

延喜式考異附録

祥瑞考

下

7 保 3  
1594  
61 止



門 7 係 3  
號 15954  
卷 61

建書

建書式考具附錄下卷

從四位下行侍從兼出羽守源朝臣

祥瑞考

建書式考具附錄下卷  
從四位下行侍從兼出羽守源朝臣  
祥瑞考

建書式考具附錄下卷

藏書

延喜式考異附錄下卷

從四位下行侍從兼出羽守源朝臣

臣齊恒編輯

祥瑞考

儀制今凡祥瑞應見若麟鳳龜龍之類依圖書合大


瑞者隨表奏其表唯顯瑞物色目及出處所不得苟

陳虛飾徒事浮詞上瑞以下並申所司元日以聞其

鳥獸之類有生獲者仍遂其本性放之山野餘皆送

治部若有不可獲及木連理之類不須送者所在官

司案驗非虛具画上其賞者臨時聽勅內裡式置



案儀  
作昇自  
童尾道  
東階  
又安徒  
二字无

皇太子版位於中階南十丈。又南置奏賀位，東去二丈，置皇太子謁者版位。自此南去二丈，更東折一丈，置奏賀奏瑞行立位。奏賀在西，奏瑞在五尺。又王公百官再拜訖，奏賀奏瑞者奏賀在前，若在東位。共進自位。諸仗共興，奏瑞者西行北折，進自馳道，不至宣命板。一丈東折，經左兵衛陣南，更北折升階，西折就行立之位。有頃，奏賀者云：「羣官客徒等再拜，奏瑞者若瑞者无。」前就位，奏曰：「治部卿位姓名等申。」久某官位姓名等，我所申某物。顧野王我符瑞圖曰：云：「孫氏我瑞應，喞曰：云：「止云利此瑞乎。瑞書尔勘，尔某物。」

又上瑞  
中瑞共  
作某瑞

波上瑞尔合，利某物。波中瑞尔合，利止申。世流事乎。恐美恐美毛，奏給久止，奏退復位。唐書百官志：禮部郎中掌圖書祥瑞，景星慶雲為大瑞，其名物六十四。白狼赤兔為上瑞，其名物三十八。蒼烏朱雁為中瑞，其名物三十二。嘉禾芝草木連理為下瑞，其名物十四。今大瑞六十八種，上瑞三十八種，中瑞三十三種，下瑞一十五種，合一百五十四種。其異同見下。

景星

原注德星也。或如半月，或如大星，而中空。○今案月，下晉書天文志：有生於晦朔，助月為明。八字。案孫氏瑞應圖：王者不私人，則見春秋感精符。

王者上感皇天則鸞鳳至景星見孝經援神契神靈滋液百寶為用則璣鏡出珠母見珠母璣鏡也事神明得則大珠有光白象至翠羽耀有景星白虎通王者德可為鏡至文表則見史記天官書其狀无常常出于有道之國孝經內事圖天子行孝德則見禮稽命徵王者出號施令叶民心制禮作樂得天意則見春秋演孔喆天子舉賢則放于天則見春秋運斗樞太微宮有五帝座星五帝所行同道異位皆斗樞機衡之分遵七政之紀故天樞則景星見甘露零鳳皇翔朱草生淮南子精神感於內形氣動於天景

星見黃龍下祥鳳至醴泉出嘉穀生河不滿溢海不溶波

慶雲

原注狀若烟非烟若雲非雲○今案注與史記同又案景雲卿雲慶雲同史記尚書大傳共作

卿大寶四年五月甲午西樓上慶雲見改元慶雲

紀天武天平神護三年八月乙酉參河慶雲見改元

神護景雲六月十六日七色相交十七日伊勢等

美雲起二十三日東南角有雲七月十日陰陽寮

本朱未黃稍具五色○高野紀天長三年七月辛

巳見豐樂殿西方其狀五色相雜如夾貞觀十八

年七月二十七日東山五雲見形如虹而非虹廣

四五祥瑞圖非氣非煙五色紛縕是謂慶雲亦謂

景雲也。清和紀引世二呈祥不可枚舉。或詳記其狀。或以祥改元。則抄出。下倣此。○案瑞應圖。景雲者。太平之應也。一名慶雲。禮斗威儀。君乘水而王。其政和平。則見。援神契。王者德至山陵。則出。已上見續日本紀。白虎通同。○王者德仁。明紀。承和元年。史作天子孝。亦德清和紀。貞觀十八年。作天子孝。記卿雲者。嘉氣也。西京雜記。董仲舒曰。雲則五色而為慶。三色而成喬。露則結味而成甘。結潤而成膏。此聖人在上。陰陽和風雨時也。白虎通。封禪篇至山陵。則景雲出。芝實茂。陵出異丹。阜出蓮蒲。山出器車。澤出神鼎。

黃真人

原注金人也。案唐六典。作黃星真人。黃星事

又曰玉人也。案唐六典。作黃星真人。黃星事

見拾遺

記晉書。宋書符瑞志。以下宋志金人。王者有盛德。則遊後池。齊書瑞應圖。黃帝時。遊于池。王者德勝。不聚貨利。則金人乘船。游王後池。宋志。玉女。天賜。妾也。禮含文嘉。禹畀宮室。盡力溝洫。百穀用成。神龍至。靈龜服。玉女敬養。天錫也。

河精

原注魚身人

案宋志。師曠時所受讖也。

麟

原注仁獸也。麋身羊頭。牛尾。一角。端有宗。

案春秋公羊傳。仁獸也。有王者則至。詩麟之趾。章毛傳。信而應禮。以足至者也。

陸機疏。王者至仁。則出。春秋感精符。一角。明海內。

共一主也。王者不剝胎，不剖卵，則出。宋志又云：明  
 王動則有義，靜則有容，乃見。援神契：德至鳥獸，鳳  
 凰翔，鸞鳥舞，麒麟臻，白虎見，白鹿來，狐九尾，白鳥  
 下，雉白首。妃房不偏，故白雉應。○白虎通：雉，周書  
 王會篇。倣此。周書：規矩以麟。孔晁注：麟似鹿，牛禮稽  
 命，徵視明禮，修則來。又云：外內之制，各得其所，四  
 方之事，无有留滯，則游囿，禮斗威儀，君乘金而王。  
 其政平在郊，尚書中侯：黃帝軒提象配，循機天地  
 休通，五行期化，麒麟在囿，鸞鳳來儀，運斗樞，衡星  
 得則麒麟至，靈龜躍。又案見禮記禮運篇。

鳳

原注：狀如雀，五綵以文。雞冠，燕喙，蛇頸，龍形。

案山海經：見則天下安寧。

周書：西申以鳳鳥。鳳鳥者，戴仁抱義，掖信歸有德。  
其形似雞，魚尾。說文：神鳥也。漢書：神鳥者，赤神之精也。禮  
 斗威儀：君乘土而王，其政平則鳳集于林。尚書中  
 侯：堯即政七十載，穆為大司馬，舜為大尉，德政清  
 平，比隆伏羲。鳳皇巢于阿閣，謹林禮稽，命徵，貌恭  
 體仁。鳳皇棲桐，洛書靈准，聽璫璣玉衡，以齊七政。  
 曆象日月星辰，正月上日，舜受終，鳳皇來儀，黃龍  
 感朱草生，蓂莢華。春秋感精符：運斗樞，淮南子：共  
 見景星下，援神契：白虎通。宋志：共見麟下。

鸞

原注狀如翟五彩以文。案瑞應圖赤神之精鳳皇

之佐人君步行有容進退有度祭祀宰人咸有敬

讓節禮親親有序則至一云心識鍾律律調則至

詩含神霧王者德化充塞照洞八冥則臻尚書中

侯周公歸政于成王太平制禮鸞鳥見周書丘羗

鸞鳥大於鳳亦春秋演孔圖天子宫守以賢舉則

在野歸仁義也援神契白虎通見麟下山海經見鳳下

比翼鳥原注狀如鳧一翼一目不比不飛案瑞應圖王者德及高遠

則至周書巴人以比翼鳥爾雅南方有比翼鳥

同心鳥案宋志王者德及遐方四夷合同則至

永樂鳥

原注五色成文丹喙赤頭案蓋與世樂鳥一

物乎陳仁錫潛確類書云六典作永樂鳥南方異

物志世樂鳥五色頭上有冠丹喙赤足王者有明

德天下太平則見

富貴

原注鳥案未詳

吉利

原注鳥案未詳

神龜

原注黑神之精也五色天智帝九年六月獲龜

背書申字上黃下玄天武帝十年九月辛丑周芳

獻赤龜天武靈龜元年八月丁丑左京人獻靈龜

長七寸濶六寸左眼白右眼赤頰著三台脊負七



相次八字 養老七年十月癸卯左京人獻白龜長一

寸半廣一寸半兩眼並赤○今神龜六年五月己

案明年改元神龜蓋因此瑞長五寸三分濶四寸五分其

卯左京職獻負圖龜背有文云天王貴平知百年

八月改元天平聖武天平十七年十月辛亥河內

得白龜長九分濶七分兩景雲二年七月壬申日

向獻白龜高野承和十五年五月壬申太宰府獻

白龜六月庚子改元嘉祥仁明貞觀十二年二月

二十九日佐渡獻奇龜鳥嘴赤甲黑已上見國史

他不狀其狀援神契天子孝則天龍降地龜出武聖

者此不抄紀熊氏瑞應圖王者不偏不黨尊用

子孝作孝道行紀野武紀作神龜高

者老不失故舊德流洽則靈龜野紀仁明紀共作

靈出已上二條援神契王者德澤洽則神龜來禮

含文嘉外內之制各得其宜則山澤出靈龜文德

引此後魏書冀州獻白龜王者不私人以官尊者

任舊無偏無黨之瑞也已上三條史記神龜者天

下之寶也與物變化四時變色居而自匿伏而不

食春蒼夏赤秋白冬黑高野紀所引案宋志王者

德澤湛清漁獵山川從時則靈龜出德至淵泉則

雉出龜書雉書靈准聽靈龜者玄文五色神靈之

精也上隆法天下平象地能見存亡明于吉凶王

中當

者不偏黨尊者老則出禮稽命徵言從文成則神  
龜在沼禮含文嘉見玉女下運斗樞見麒麟下

龍

原注被五色以遊能幽能明能小能大○今案此文見管子案瑞應因黃龍四

龍之長五方之正色神靈之精也王者不瀝池而

漁德達深淵則應和氣而遊於沼池援神契德至

深泉則黃龍見醴泉涌澤出萑莆河出圖洛出書

白虎通同黃龍見者君之象也又天龍見龜下禮稽命

徵聽聰知正則名川出龍禮含文嘉見玉女下

騶虞

原注義獸也狀如虎白色黑案詩毛傳有至信

之德則應之文選注齊書祥瑞志至德則出

白澤

原注一名澤獸能言言語知萬物之情案山海經東望山有獸名曰

白澤能言語王者有德明照幽遠則至宋志神獸

也能言達于萬物之情以戒於民為時除害黃帝內傳

同

神馬

原注龍馬長頸豁上有翼踏水不沒○騰黃其

○騶褭赤喙黑身日行三萬里○飛兔日行三萬里

○騶騶白馬赤鬣○青馬白鬣○駒騶狀如馬出于

北海○駛騶自能言語今案六典作神馬龍馬出于

于茲白又無飛兔騶褭白案白雉元年詔曰聖王

出世治天下時天則應之譽田天皇之世白鳥操

宮大鷦鷯帝之時龍馬西見孝德紀大寶二年四月

乙丑飛驒慶雲元年五月甲午備前獻神馬天武紀

瑞應圖龍馬者神馬也宋志作仁馬河水之精有明王

則見援神契德至山陵則澤出神馬山出根車阜

出黑丹博物志和氣感則生朱草山出象車澤出

神馬陵出黑丹江南大貝海出明珠仁主壽昌民

延壽命天下太平

騰黃案符瑞圖一名乘黃或曰飛黃或曰翠黃一

名紫黃王者輿服有度則出宋志神馬也其色

黃王德御四方則出周書白民乘黃乘黃者似

麟山海經引周書作孤背有兩角山海經云乘黃者似抱朴子騰

黃吉光皆能人語

飛兔案瑞應圖神馬之名也日行三萬里禹治水

勤勞歷年救民之害天應其德而至

騶裊案瑞應圖神馬也金喙赤身日行萬八千里

與飛兔同漢武帝紀應劭注作赤喙君有德則

至宋志各隨其方而至以明君德也

澤馬案宋志王者勞來百姓則至陰嬉識聖人為

政澤出馬出漢書注

白馬赤鬃案宋志王者任賢良則見

白馬赤鬣案未詳或黑身赤鬣而周書所謂文馬

之類乎。周書犬戎文馬而赤鬣縞身目若黃金名古黃之乘

青馬白鬣案聖武帝天平三年十二月丙子甲斐

獻神馬。黑身白髮尾符瑞圖神馬者河之精也。按神

契德至山陵則出神馬。又十一年三月癸丑對

馬出神馬。青身白髮尾符瑞圖青馬白髮尾者神馬

也。聖人為政資服有制則出。又曰王者事百姓

德至丘陵則澤出神馬。已上聖武紀神護景雲二年

七月壬午日向獻青馬白髮尾。願野王符瑞圖

云二同上。按神契德協道行政至山陵則澤出

神馬。高野紀

駒駮案原注出山海經瑞應圖幽隱之獸也。有明

王在位則至。宋志為時辟除災害。周書禹民駒

駮。

馱駮案宋志后土之獸也。自能言語。王者仁孝於

國則來。禹治水而至。

周币。原注神獸也。知案周币周印盖一物。宋志周印

神獸之名也。知星宿之變化。王者德盛則至。

角端。原注日行萬八千里能言語曉四夷語。○今案

元史耶律楚材傳云一角獸形如鹿而馬尾其

色綠云二其名角端能言四方語。宋志明君聖主

好生惡殺。○又案原注與宋志同。

解薦原注如牛一角或狀如羊有案說文神奇之獸

也一名任法狀如羊一角古者決訟令之以觸不

直者宋志知曲直獄訟平則至

比肩獸原注前足鼠後足兔不案瑞應圖王者德及幽隱

寡無棄則至宋志爾雅北方有比肩獸

六足獸原注瑞案宋志王者謀及衆庶則至

茲白原注形似白馬案周書義渠以茲白注云

一名駁

白象原注其形案瑞應圖王者自養有道則至宋志

節負不死藥來接神契見景星下

一角獸原注麟首鹿形案宋志天下平一則至齊志天

子萬福允集則至

天鹿原注純靈之獸也五色光耀洞明一角長尾

者或為案宋志五色光觀洞明王者道備則至

鼈封原注若舜前後有案周書區陽以鼈封

首耳原注身食虎豹案周書史林以尊耳山海

書經注引周六典亦云首耳

豹犬原注案他鉅口赤身四足三目瑞應圖匈奴獻豹犬

錐頭高尺見佩文韻府案周書渠叟以豹犬

露犬原注能飛食虎案周書渠叟以豹犬

犬也。

玄珪 案宋志水泉流通四海會同則出。

明珠 原注夜有光如月之照及珠鏡珠英並同 案禮斗威儀王者其政平。

德至淵泉則江漢出明珠白虎通德至淵泉則出。

明珠 援神契同 宋志王者不盡介鱗之物則出運斗樞。

搖光得則陵醴出玄芝生吐大貝海出明珠博物

志見神馬下。

珠鏡 案援神契見景星下

珠瑛 案未詳

玉英 原注不琢自成光若明月玉璧同 案符瑞圖玉瑛者仁寶也不

斲自為光若白華援神契玉有英華之色也神露

滋則有玉英宋志五常並修則見雒書靈准聽王

者服飾不踰祭服則出。

玉璧 案六典作玉璧琉璃在上瑞中

山稱萬歲 案漢書武帝紀親登嵩高御史乘屬在

廂傍吏卒咸聞呼萬歲者三 荀悅注萬歲山神稱之也

慶山 案未詳廣德神異錄唐高宗朝新豐出山高

二百尺改新豐為慶山縣又名勝志慶山在臨潼

唐武后時忽風雷湧出此山高六尺餘漸高至三

百餘尺武后以為祥因曰慶山而設縣焉案此所

謂慶山亦斯類乎。

山車原注自然之精案禮斗威儀君乘木而王其政太

平山車垂句山車者自然之車也援神契木根車

應載萬物金車王者行仁德則出虞舜德盛于山

陵故山車出山車者自然之物也山藏之精與象

車相似舜時德盛山車有垂綏宋志山藏之精不

藏金玉山澤以時通山海之饒以給天下則山成

其車

象車原注山精也案宋志王者德澤流洽四境則出博物

志見神馬下

鳥車原注山精也案未詳

根車原注山木根連象車也案援神契見神馬下宋志與

同白虎通見慶雲下

金車案瑞應圖舜時見帝庭齊志王者至孝則出

宋志援神契見山車下

朱草原注如小棗長三四尺枝葉皆丹莖如珊瑚案援神契王者德至草

木則生以白虎通同而有赤草也十一字一云可食王者

慈仁則生禮斗威儀君乘金而王其政頌平則生

尚書中侯文命感得俊人在官則生郊春秋感精

符化洽于地則生食之不死宋志草之精也世有

聖人之德則生鷓冠子聖王之德下及萬靈則生

大戴禮朱草日生一葉至十五日生十五葉十六

日一葉落終而復始案抱朴子云如小葉長三四

落如蓂莢博物志見神馬下運斗樞見景星下

屈軼原注生于帝庭若階佞案出帝王世紀博物志

蓂莢原注夾階而死案瑞應圖圓葉而五色一名歷莢

十五葉日生一葉從朔至望畢從十六日毀一葉

至晦而盡月小則一葉卷而不落聖明之瑞也人

君德合乾坤則生接神契王者德至地則華華感

嘉禾生蓂莢出鉅鬯滋白虎通云嘉禾生帝王世

紀堯時有蓂莢夾階而生每月朔一莢生至十五

日而足十六日一莢落至晦而盡若月小盡餘一

莢厥而不落王者不必按曆而知朔唯盛德之君

應和而生以為堯瑞名曰蓂莢又曰曆見又曰仙

茆尚書中侯周公旦即攝七年蓂莢生白虎通曰

曆得其分則蓂莢生于階間蓂莢樹名也

平露原注樹名也其形如蓋生于庭以候四方案瑞

應圖王者不私人以官四方政平如蓋則生于庭

宋志平露如蓋以察四方之政其國不平則隨方

而傾白虎通平路賢不肖位不相踰則生又云官



位得其人則生失其人則死

蓬蒿

原注樹名也其形似蓬枝多葉少葉如扇不搖自動轉而風生案宋志一名倚

扇狀如蓬大枝小根如絲轉而成風殺蠅堯時生

於厨古微書援神契注引瑞應圖云蓬蒿樹名也其葉大如門扇不搖自動一名倚扇狀如蓬

多葉少根如絲轉而風生主飲食清涼驅殺帝王

蟲蠅堯時冬死夏生舜時生于厨右階左

世紀堯時厨中生肉脯薄如翼形搖鼓則生風使

食物不覺一名倚扇白虎通王者德至山陵則阜

出蓬蒿又云孝道至則以蓬蒿樹名也其葉大於

門扇不搖自扇於飲食清涼助供養也春秋潛潭

者不嗜味則生援神契見龍下

蒿柱

原注蒿茂大案大戴禮周時德澤洽和蒿茂大

以為宮柱名為蒿宮又見竹書紀年

金牛

原注瑞器也案瑞應圖土地開闢則至

玉馬

原注瑞器也案瑞應圖王者精明篤賢則至宋志篤作尊

玉猛獸

原注犬子食氣飲露也案未詳

玉瓊

原注汲自滿案瑞應圖聖人之應也不汲自盈王者

飲食有節則出宋志王者清廉則出

神鼎

原注不汲自滿也案晉中興書金鑊之精神器

也不舉自沸不炊自熟不汲自盈不舉自藏不遷

自行文明應運而出。宋志：質文之精也。知吉凶，能重能輕，不炊而沸，五味自生。王者盛德則出白虎，通見慶雲下。

銀甕原注：汲自滿。案：瑞應圖：王者宴不及醉，刑罰中人，不

為非則出。接神契：神靈滋液有銀甕。

瓶甕原注：汲自滿。案：未詳。六典不載。

丹甕原注：炊自熟。案：宋志：五穀豐熟則出。

醴泉原注：味甘，狀如醴酒。案：持統帝七年，出于近江益

須郡都賀山，病者飲之多差。持統紀：靈龜二年十一月癸丑，詔曰：朕以今年九月到美濃國，不破行宮。

留連數日，因覽當耆郡多度山美泉，自盥手面，皮膚加滑，亦洗痛處，无不除愈。在朕之躬，其驗又就。

而飲浴之者，或白髮反黑，或頽髮更生，或闇目如明，自餘痼疾咸皆平愈。昔聞後漢光武帝時，醴泉

出，飲之者，痼疾平愈。符瑞書曰：醴泉者，美泉也。可

以養老，蓋水之精也。寔惟美泉，即合大瑞。改元養

老。元正紀：仁壽四年七月丙午，石見國醴泉出。詔曰：味寫

濁醪，狀如芳醴。十二月甲寅，改元齊衡。文德紀：瑞應圖：王者

理訟得所，醴泉出于京師。案：孝經正義引瑞應圖

降膏露，地出醴泉。宋志：王者修理則出，尚書中侯堯祗德

光武中  
元元年

匪懈醴泉出。文命盛德，俊又在官。醴泉出，禮含文。嘉神農修作耒耜，地應之以醴泉，就田作耨，天應之以嘉禾。禮斗威儀：人君乘水而王，則出。禮稽命徵，王者刑殺當罪，賞賜當功，得禮之制，則出。援神契：見龍下，運斗樞，見明珠下。淮南子：見景星下。浪井原注：不鑿自成之。案：瑞應圖：王者清靜則出。井而騰波浪者也。案：易乾鑿度：天降嘉應，河水先清三日，清變為白，白變為赤，赤變為玄，玄變為黃，各三日，拾遺記：黃河千年一清，至聖之君，以為大瑞。河水五色。案：蓋乾鑿度所謂變為某之類，六典作

江河水五色

江水五色。案六典見上。

海水不揚波。案禮斗威儀：君乘木而王，則海夷。又

君乘土而王，其政太平，則江海不揚洪波。淮南子

見景星下。

右大瑞。陸拾捌種。案唐志云：大瑞，陸拾肆種，六

典，龍馬神馬分為二，河水五色，江水五色，合為

一。元飛兔，要褭青馬，赤鬣瓶瓊，凡陸拾肆種。

三角獸原注：瑞獸也。案宋志：先王法度修，則至。

白狼原注：金精也。案瑞應圖：王者仁德明，摛則見。一云：王者進退

動靜準法 宋志周宣得之而犬戎服

赤羆 原注神獸也 案援神契見則姦冗自遠

赤熊 案援神契神靈滋液百珍寶用則見宋志佞人遠姦滑息則入國

赤狡 原注其角如牛音如犬吠 案六典无赤字山海經玉山有獸其狀如犬而豹文其角如牛其名

曰狡其音如吠犬見則其國大穰 慧琳弘明集音義吠犬作犬吠

赤菟 案瑞應圖瑞獸也王者德盛則至 宋志同

九尾狐 原注神獸也其形赤色 案瑞應圖六合一則

見 文王時東夷歸 又云王者不傾于色則至白虎通德至

鳥獸則狐九尾狐九尾何狐死首丘不忘本也明

安不忘危也必九尾者也九妃得其所子孫繁息

也於尾者何明後當盛也周書青丘狐九尾 山海經注

太平則出而為瑞也 運斗樞璣星得則狐九尾援神契見麟

下

白狐 原注岱宗之精也 案宋志王者智仁則至河圖掘矩記

黃帝生先致白狐

玄狐 原注神獸也 案和銅五年七月壬午伊賀獻玄狐詔

曰黑狐即合上瑞王者治致太平則見 元明宋志

北山有黑狐神獸也王者治致太平則此獸見四

夷來貢周成王時嘗有之周書不文令玄模玄模黑狐也

白鹿

原注仁鹿也色如霜雪○案按劉案仁德帝五

十三年上毛野竹葉瀨使新羅途獲白鹿以歸獻

之仁德寶龜元年五月壬申先是伊豫獻白鹿太

宰獻白雀大臣奏曰禮樂備而政化洽刑獄平而

閭闔清風雲改色飛走馴仁高野齋衡三年十月

廿日常陸言木連理十二月十三日美作獻白鹿

四年二月己丑改元為天安綠常陸美作有白鹿

木連理之瑞文德貞觀十九年正月乙亥但馬獲

白雉二月丙辰尾張言木連理閏二月癸巳備後

獻白鹿四月丁亥詔曰曰瑞建元非无故實嗣位

紀號既有前聞改貞觀十九年為元慶元年同七

年神泉苑產白鹿渤海來朝陽成瑞應圖純善之

狀也王者敦孝道則見一云王者明惠及下則見

宋志一云王者承先聖法度无所遺失則來禮斗

威儀君乘水而王其政和平則北海輸白鹿周書

黑齒白鹿援神契白虎通共見麟下

白麋

原注之流也白鹿案宋志王者刑罰理則至

兕

原注形如牛蒼黑色或案六典作白兕皮制鎧角

為爵者未足為瑞恐以白色為瑞而與此注齟齬  
无所攷

玄鶴 案瑞應圖王者知音樂之節則至古今注千

歲則變蒼又二千歲則變黑所謂玄鶴也字書神

仙鳥也見則為祥瑞也見慧琳音義

青鳥 原注南海輸之案據注礼斗威儀所謂蒼鳥

赤鳥 案慶雲二年九月癸卯越前獻文武延曆三

年六月辛亥普光寺僧勤韓獲赤鳥續日瑞應圖

王者不貪天下而重民命則至禮稽命徵得礼之

制澤谷之中有赤鳥宋志斗殞精也王者孝行溢

則見

三足鳥 原注日案瑞應圖王者慈孝天地則至運斗

樞維星得則鳥三足春秋元命包陽精也

赤燕 案未詳

赤雀 案延曆四年五月癸丑詔曰四月晦日有赤

雀一隻集于皇后宮晨夕栖息旬日不去仍下所

司令檢圖諫孫氏瑞應圖曰赤雀者瑞鳥也王者

奉己儉約動作應天時則見云二續日本紀

比目魚 原注出於東海不比不行案宋志王者德及幽隱則至史

記齊桓公既霸會諸侯於葵丘而欲封禪管仲曰

東海致比目之魚。西海致比翼之鳥。然後物有不召而自至者十有五焉。

甘露原注美露也。神靈之精也。疑案天武帝七年十月甲申朔有物如綿零於難波長五六尺廣七八寸則隨風以飄于松林及葦原時人曰甘露也。武

紀嘉祥三年七月乙酉石見獻甘露味如飴饅公

卿抗表曰臣等謹案瑞應圖曰王者和氣茂則甘

露降于草木食之令人長壽文德紀禮斗威儀君乘

水而王治政則軒轅之精散為甘露援神契王者

德及于天則降甘露白虎通同云美露也宋志王

者德至大和氣盛則降者老見敬則松柏受之尊

賢愛老不共細微則竹葉受之春秋繁露太平之

世露則結味而成甘結潤而成膏鶡冠子聖人之

德上及太清下及太寧中及萬靈則膏露降論衡

王者太平則降運斗樞見麟下

廟生祥木原注生木赤木亦同禮稽命徵王者得禮

之亘則宗廟生祥木得禮之制則澤谷之中生赤

木

福草原注瑞草也朱草禮斗威儀君乘木而王其政

昇平則福草生宋志宗廟肅瑞應圖則福草生宗

廟肅作致敬則福草生宗

廟肅作致敬則福草生宗

廟肅作致敬則福草生宗

廟肅作致敬則福草生宗

廟之中。

禮草 案未詳

萍實 原注萍水草也。大如斗。圓。案孔子家語。唯霸者

為能獲焉。

大貝 原注貝自海出。其大盈車。案瑞應圖。王者不貪財寶則出。宋

同白虎通。德至淵泉。則江出大貝。援神契。見龍下。

博物志。見神馬下。運斗樞。見明珠下。

白玉赤文紫玉玉羊 原注瑞案白玉未詳

赤文 案未詳。河圖洛書赤文綠字。數見尚書中侯。

蓋是欵。

紫玉 案宋志。王者不藏金玉。則黃銀紫玉光見于

深山。 雜書靈准聽同 禮斗威儀。君乘金而王。則黃銀紫玉

見于深山。

玉羊 案瑞應圖。王者鍾律和調。五聲當則出。

玉龜玉羊玉典 原注瑞案瑞應圖。玉龜者。師曠時出

神泉之涯。隋書云。玉龜頭。永昌之慶。玉羊案未詳。

玉典 案瑞應圖。王者仁慈則見。

玉璜 原注瑞案未詳

黃銀 案本草拾遺。瑞物也。可辟惡。唐杜如晦傳。世

傳黃銀鬼神畏之。宋志。禮斗威儀。見紫玉下。



金勝

原注仁寶也。不劉自成。光若月明。一名金稱。

案六典作金藤。宋志國

平盜賊。四夷賓服。則出。晉穆帝永和元年二月春

穀。民得金勝一枚。長五寸。狀如織勝。明年桓温平

蜀。

珊瑚鈎

原注瑞寶也。

案瑞應圖。王者恭信。則見。援神契。瑞

寶也。神靈滋液。百珍寶用。則見。

駭雞犀及戴通

原注有一白理如線。又其角有光。案通天。鷄見之。驚駭。故一名通天犀。

宋志。王者賤難得之物。則出。

辟琉璃

原注不琢。成質有光耀。

案六典作璧玉琉璃。援神契。神

明滋液。則琉璃鏡。則琅玕景。則碧玉出。宋志。王者

氣峙時。山川出雲。古云。氣如大道。一條若三四五

條者。大赦。人民安樂。

清和紀。

案隋書。天文志。太平之

應也。一日昌光。赤如龍狀。聖人則見。同上

瑞雞。天武帝四年正月壬戌。大倭貢。五年四月辛

丑。添下郡貢。其冠如海柘榴花。

天武紀。

白山鳩。持統帝八年六月庚申。河內更荒。郡獻焉。

持統紀。

白鷹。天武帝四年正月壬戌。東國貢。

天武紀。

白鷓鴣。雄畧帝十一年五月朔。近江粟太郡上言

有白鷓鴣。集谷上濱。詔置川瀨舍人。

雄畧紀。

白燕 天武帝六年六月葛野郡天武紀持統帝三年

八月讚吉御城郡持統紀文武帝三年八月伊豫慶

雲元年七月左京神龜二年正月山背備前文武紀

延曆三年五月攝津桓武紀大同三年五月播磨平城

貞觀八年六月丹波清和紀元慶四年七月伯耆

獻焉陽成紀

三足雀 天武帝十二年正月庚寅筑紫大宰貢丙

午宴親王以下群臣於大極殿觀之天武紀

白雁 和銅五年三月戊子美濃獻焉元明紀

白鳩 文武帝三年三月河內錦部郡慶雲三年五

月河內石川郡文武紀和銅六年正月備前元明紀養

老四年正月大宰府元正紀神護景雲三年五月伊

勢員辨郡獻焉高野紀符瑞圖見中瑞

白鷓 和銅八年正月朔丹波獻焉元明紀

鷄 神武帝戊午年十二月朔丙申討長髓彦不克

適天陰雨冰有金色靈鷄集天皇弓弭其光輝暉

煜如流電賊軍眩迷不能復戰神武紀天武帝四年

正月壬戌近江貢白鷄天武紀

白茅鷓 天武帝十年八月壬午伊勢貢焉天武紀

白巫鳥 天武帝九年三月朔攝津貢焉同上

木兔鷓鴣 仁德帝之生。應神帝二十一年有木兔入殿是

日大臣武内宿禰亦生子鷓鴣入室應神帝以為

祥以其鳥名相易名子。仁德

白蝙蝠 持統帝八年飛驒荒城郡獲焉。持統

麟角 天武帝九年二月辛未有人得獸角於葛城

山以獻之其本二枝而其末合有肉時人以為麟

角。天武

白猿 元慶三年十一月二十七日石見獻焉。陽成

白鼠 見聖武高野光仁桓武平城諸紀无賞賜

白鼈 文武帝元年九月丙午近江獻焉。文武

朱雁 案未詳漢武帝紀行幸東海獲赤雁作朱雁

之歌薦郊廟。案對詔命趙王杲觀對之陳俱

五色雁 案未詳漢書郊祀志宣帝於西河築世宗

廟告祀有五色雁集殿前。案

白雀 案援神契王者奉己約儉臺榭不侈尊事者

老則見宋志王者爵祿均則至。

赤狐 案未詳

黃羆 案一本作黃熊詩大雅韓奕章獻其貌皮赤

豹黃羆傳曰追貊之國來貢也疏云豹羆亦其皮

也蓋此類乎周書東胡黃羆

青熊 案六典作青燕周書不屠何青熊

玄貉 案未詳

赤豹 案見黃羅下

白兔 原注月之精也其壽千歲 案瑞應圖王者息加者老則見宋志

作敬者老

九真奇獸 原注駟形麟色 案漢宣帝紀晉灼注同

流黃出谷 原注土精也 案淮南子玄元至碣而運照竹實

滿流黃出

澤谷生白玉 案禮稽命徵王者得禮之制則澤谷

之中乃生白玉

琅玕景 原注玉有光景者 案符瑞圖玉之有光者援神契見

琉璃下

碧石潤色 案宋志碧石者王者玩好之物棄則至

地生珠 案生六典作出宋志王者不以財為寶地

生珠

陵出黑丹 案宋志王者修至孝則出援神契博物

志共見神馬下白虎通見景雲下

威委 原注瑞木也 案六典不載瑞應圖宋志有威

香字相近然其物草木而不可充琴瑟之材或瑞

應圖所謂王者任賢良則梧桐生于東廂之類而

其物逸以與次條威綏相混乎。

威綏 案瑞應圖王者盡人倫則生于殿前宋志王

者禮備則生于殿前。

延喜

原注瑞草也

案宋志作延禧

案論語摘補注云延長也禧與也

援神

契天子至德属于四海則生宋志王者孝道行則

至

福并

原注瑞草也

案未詳

紫脫常生

原注瑞草也

案瑞應圖王者仁義行則常生禮

斗威儀人君乘土而王其政太平紫脫常生宋均

曰紫脫北方之物上值紫宮允言常生者不死也

文選 宋志脫作達

賓連達

原注樹名也一名賓連濶達其狀連累相承生房戶象繼嗣也

案瑞

應圖王者嫡庶有序男女有別則賓連閱一名賓

連達一名賓連濶白虎通繼嗣平明則賓連生於

房戶宋志王者御后妃有節則賓連濶達生于房

室

善茅

原注其頭若雄雞佩之不昧一茅三脊

案據頭若雄雞即周書所

謂善芳也鳥名也一茅三脊則所謂靈茅也注

文自兩義未知孰是然在草木中則為靈茅恐是

也乎周書奇幹善芳善芳者頭如雄雞佩之令人

不昧善芳鳥名又一茅三脊即三脊茅見史記封禪書

六典禹貢孔疏孟康曰靈茅也

草木長生原注草木有益於人者長生以養人案禮稽命徵王者出號

施令叶民心制禮作樂得天意則草木有益于人

者長以養民

右中瑞參拾叁種唐書六典共參拾貳種

秬原注秬者黑黍秠原注秠者一稔二米者案瑞應圖秬鬯者三隅之黍

一稔二米王者宗廟修則生宋志又昭穆序祭祀

宰人咸有敬讓禮容之節威儀之美則生又王者

節敬依禮度親踈有別則生黃帝時南夷乘白鹿

來獻詩大雅生民章誕降嘉種維秬維秠鄭箋云

天應堯之顯后稷也援神契白虎通共見蓂莢下

嘉禾原注或異畝同類或孽案天武帝七年忍海連

獻瑞稻五莖每莖有枝同八年縵忍勝獻嘉禾異畝曰

幡獻瑞稻每莖有枝已上天武紀持統帝六年伊勢獻嘉禾

形狀欠欠文武元年京人大綱百足獻嘉稻形狀

欠大寶二年近江獻嘉禾異畝同穗神龜四年

河內獻嘉禾異畝同穗弘仁五年大和八島寺有

嘉禾一莖十八穗仁壽元年河內獻嘉禾一莖三

德貞觀十一年備前獻嘉禾二莖一莖十九穗一

紀一莖六穗○清和一

紀元慶八年甲斐生嘉禾其一十三莖五十穗其  
成延喜五年上野獻嘉禾圖一十二莖卅六穗○陽  
紀延喜五年上野獻嘉禾圖日本紀畧瑞應圖  
異畝同穎謂之嘉禾宋志五穀之長王者德盛則  
二苗同秀白虎通嘉禾者大禾也成王時有三苗  
異畝而生同為一穗周公曰天下當和為一乎果  
有越裳氏重九譯而來矣運斗樞璇星得則嘉禾  
液春秋說題辭天文以七立精以五故嘉禾之滋  
五尺五七三十五神盛故連莖三十五穗以成盛  
德禾之極也禮含文嘉春秋感精符共見醴泉下  
淮南子見景星下

芝草

原注形似珊瑚枝葉連結或丹或紫或黑或金色或隨四時變色一云一年三華食之令眉壽

案皇極帝三年大和言菟田郡人押坂某遊山得  
紫菌高六寸許而食之无病而壽皇極天武帝八  
年紀伊貢芝草其狀似菌莖長一尺神龜三年宮  
中生玉來教朝野文人上詩賦聖武天長四年大  
枝總成獻四莖同七年真野王獻已上承和二年  
清原夏野獻芝艸一莖兩枝一莖長一尺六其色  
紫朱相雜仁明仁壽元年駿河獻瑞草紫葉朱莖  
文德瑞應圖草之精也王者德无所不通四方有  
歌詠之聲則生又云王者敬事者老不失故舊則

生接神契王者德至草木則木連理芝草繁宋志  
王者慈仁則生瑞命禮同顧野王曰王者德感山川丘

陵則芝草植慧琳音義

華平原注其枝正平王者德強則仰弱則低也案接神契瑞應圖祥瑞圖

六典作華華瑞應圖其枝正平王者有德則生德

剛則仰柔則俯宋志同白虎通華華者其枝正平

王政令均則生今本白虎通无此文而云德至地則大平感或大平華平一物乎

薛綜曰華平瑞木也天下平則其華平有不平處

其華向其方傾文選東注接神契見蓂莢下又符瑞

圖雙蓮為華華獻瑞蓮一莖二花者見舒明皇極

元明光仁清和等紀

人參生原注是案運斗樞搖光星散而為人參人君

廢江淮山瀆之祠斬代无度則搖光不明人參不

生禮斗威儀君乘木而王有人參生下有人參上

有紫氣

竹實滿原注滿成也案淮南子見流黃下

樹桂合生案運斗樞樹桂合剛陽樹桂陽星之精所生也合猶連

體也生也樹桂連名士起

木連理原注仁木也異本同枝案國史所載不可枚

舉又有草連理見皇極紀曰三年六月癸卯大伴



長德獻百合華其莖長八尺其本異末連符瑞志  
異根同體謂之連理宋志王者德澤純洽八方同  
一則木連理瑞應連理者仁木也或異枝還合或  
兩樹共合漢終軍傳其枝旁出輒復合于木上衆  
文內附示无外也援神契見芝草下

嘉木案木一作本其品物符應未詳蓋李謙紀所  
謂大和城下郡大神山生奇藤其根彫成十六  
字王大則并天下人此內任太平臣守昊命天  
年唐大曆中亦有成都瑞木有文天下太平史  
恐此類是乎

戴角麀鹿原注北鹿案未詳

駮鹿原注如案一作駮鹿又作駮麀作駮麀六典作

駮鹿又駮鹿見漢武帝紀當時以為瑞鹿麀鹿字  
相近未知孰是孰否

神雀原注五色者也又大如鷄雀黃喉白頸黑脊案

宜合看漢宣帝紀詔文

冠雀原注戴冠者也案未詳六典不載

黑雉案未詳

白鵲案未詳六典不載曹植作白鵲頌蓋當時為  
祥

右下瑞壹拾伍種。唐書云拾肆種。六典拾叁種。恐壹種逸。

延喜式考異附錄下 終末

別錄

日抱戴 貞觀九年十一月晦日乙丑。日上有冠。左

右有珥。色黃白。紀清和元慶八年正月乙酉廿三日。

日有冠。右有珥。色黃。左有白虹向日。是名日抱。陽

紀案援神契。王者德及于天。則日抱戴。又黃氣抱

日。輔臣納忠。瑞應圖。君賢得土地。則日有黃抱。

老人星 延曆二十二年十一月戊寅朔。百官詣闕

上表曰。有司奏稱。老人星見。臣等謹案。元命苞曰。

老人星者。瑞星也。見則治平主壽。類聚昌泰三年

十二月十一日乙丑見。紀案孫氏瑞應圖。承天則

老人星臨其國春秋運斗樞王政和平則老人星  
臨國萬民以歌春秋文耀鉤見則主安又云王者  
安靜則見

紫雲 仁壽二年二月丙辰播磨五月癸巳大和從文

紀天安三年正月戊寅廿一日美濃貞觀十四年

二月廿一日佐渡十三年十一月十八日十四年

十二月十二日十五年二月十五日飛驒大野郡

愛寶山見清和紀

赤雲 貞觀十八年八月庚戌六日日入之時赤雲

八條起自東方直指西方廣殆及竟天瑞祥志天

不隱過則辟琉璃至

雞趣 案符瑞圖王者有德則見又名長離六典作

雞趣璧宋志玉羊玉雞辟流離列載曰玉雞王者

至孝則至瑞應圖玉雞瑞器也王或一物也乎禽

經云鸞一曰雞趣蓋當別物矣

右上瑞參拾捌種唐志六典同

白鳩 案符瑞圖王者養耆老尊道德不以新失舊

則至國史見別錄

白鳥原注白鳥太案神護景雲二年八月己酉參河

獻白鳥九月辛巳勅曰付所司令勘圖謀奏備顧

野王符瑞圖曰白鳥者太陽之精也孝經援神契曰德至鳥歎則白鳥下高野瑞應圖至孝之應又

曰宗廟肅敬則至宋志孝德紀見龍馬下

蒼鳥原注鳥而蒼色江海瑞應圖文王時見蒼鳥王

者孝悌則至宋志賢君修好孝慈於萬姓不好殺

生則來禮斗威儀君乘木而王其政昇平南海輸

以蒼鳥

白畢案六典作白澤案大化六年二月庚午朔穴戶獻白

雉原注成宗案大化六年二月庚午朔穴戶獻白

雉僧旻曰伏聞王者德旁流四表則白雉見今案

感精又王者祭祀不相踰宴食衣服有節則至今

援神契同又王者清素則出又王者仁聖則見案

周成王時越裳氏來獻白雉曰吾聞國之黃者曰

久矣無別風淫雨江海不波溢三年于茲意中國

有聖人乎盍往朝之重三譯而至又晉武帝咸寧

元年見松滋甲申羣臣奏賀曰陛下以清平德治

天下之故爰有白雉自西方出詔曰云云改元白

雉孝德天武帝元年壬申信濃獻白雉改元白鳳

帝王編年紀○案日本史云本書不揭年號以壬

申歲為元年考續日本紀聖武紀神龜元年十月

詔曰白鳳以來朱雀以前玄遠尋

二年三月壬寅

問難矣惟舍人所不取未詳其故

備後獻白雉。日本紀○日本史神護景雲二年六月癸巳武藏獻白雉。下羣臣議之。僉曰：雉者，良臣一心忠貞之應。白乃聖朝重光臨照之符。云。高野紀

雉白首 案援神契見麟下

翠鳥 原注羽有光耀也 案諸本作翠鳥。誤。六典作翠鳥。可從。

援神契作翠羽。宋志同 見景雲下。周書倉吾翡翠。翡翠者所以取羽。

黃鵠 案未詳。見漢昭帝始元元年。章帝元和二年。

小鳥生大鳥 案宋志王者土地開闢則至。唐書云：永徽五年

年萬年宮有小鳥如雀生子大如鳴鳩。

白蛾 持統帝六年九月癸丑越前獻焉。詔曰：獲於

角鹿郡浦上之濱。加筭飯神封。持統紀

蚕 天平勝寶九年八月己丑駿河益頭郡人金刺

麻呂獻蚕兒成字。其文云：五月八日開下帝標。知

天皇命百年。先是三月戊辰王宮承塵帳現天下

太平之字。於是改元天平。宝字。高野紀

黃金 文武帝五年三月戊子治陸奧金鉏。甲午對

馬貢金。二年治建元曰大宝。天武紀天平二十一年

二月丁巳陸奧小田郡貢金。四月丁未改元天平

感寶。七月甲午讓位皇太子。改曰天平勝寶。高野紀

銀 天武帝三年三月丙辰始出對馬奉諸神祇頒

賜小錦以上天武紀

銅 慶雲五年正月乙巳武藏秩父郡獻銅改元和

銅元明紀 先是因幡周芳等獻銅鉏見文武紀

天武帝三年三月丙辰始出對馬奉諸神祇頒賜小錦以上天武紀慶雲五年正月乙巳武藏秩父郡獻銅改元銅元明紀先是因幡周芳等獻銅鉏見文武紀

別錄終

# 御用御書物師

東京京橋區南傳馬町

壹丁目十貳番地書肆

## 吉川半七

發賣人

東京府平民

林平次郎

日本橋區箔屋町八番地

新用新書林

